

West.

5th 1844

LETTRES
PARTICVLIÈ-
RES ENVOYEZ AV
ROY, PAR VN GENTIL-
homme François.

SUR LES AFFAIRES
de ce temps.

Duplessis

A PARIS,

Faict avant que mourir.

M. D. C. XXII.

CASE

F

39

B26

1625

1002

LETTERS

PAR TITON

THE NEW YORK
LIBRARY

1002

1625

1002

1002

1002

1002

1002

1002

1002

1002

1002

1002

1002


1002

1002

1002

1002

SIRE,



Les grands Capitaines, Roys & Empereurs, vouloient anciennemēt estre surnommez, des pays par eux conquis. Et de la sont ses surnoms d'Africains Asiatiques, & sēblables vos predecesseurs, qui n'auoient pas faute de grands tiltres de conquestes, pour ce remarquer à la posterité. Ont choisi pour eux, & vous ont laissé en heritage, le surnom de Tres. Chrestien, voulant declarer à tous que le vray honneur des hommes, estoit d'estre vrays Chrestiens: Le vray triomphe des Princes, que Dieu a establis sur les hommes, de deffendre & auancer la Religion Chrestienne.

Je suis doncques d'accord, *SIRE*, avec ceux qui vous dient, que le but de vostre Majesté, doit estre de reunir l'Eglise, œuvre propre à vous œuvre, qui est attaché à vostre Diademe & dont vous deuez estre ialoux, non moins que de vostre estre. Ceneantmoins, il se pour

ra faire, que nous differions en quelque chose, mais le iugement de vostre Majesté est par dessus, pour choses les plus expediens.

On propose, de remettre en son entier l'Eglise par les armes, qui peut mieus iuger de l'inutilité des armes en concerne la Religion, que vostre Majesté, qui les ayant employees si heureusement, contre ceux qu'on pretend ruyner en toutes sortes, n'en à eu en fin autre profit, que de recognoistre que les plus heureux succez, ne succedent point entre les consciences. Qu'aussi peu ont de puissance les armes sur les ames, que le razoir d'un Chirurgien sur l'entendement de l'homme, & sur les affections qui luy commendent.

Les remedes, SIRE, doiuent auoir vne Analogie, & vne proportion avec les maux & les malades, sa force de sa nature, gaigne sur les corps, le son sur l'oreille, la raison sur l'ame, appliquez la force sur les ames, elle ne peut faire aucun effect, aussi peu que la raisõ sur l'oreille, ou le son sur la masse du corps.

C'est donc vn moyen, non de reuoir l'Eglise, mais de la ruyner, & l'estat de vostre Royaume, non d'instruire & cōuertir, mais de destruire & subuertir. Et comme rien en ce monde, ne peut faire mal, qu'il n'en souffre sa part, la ruyne d'un party, couste celle de l'autre, la ruyne & exterminatiō de la Religion quelque bon marché qu'on en espere, est la confusion & desolation de tout l'estat.

Ces grands Catholiques, SIRE, qui ont voulu forcer à forces, vos subiects, qui ont requis vostre M. à force ouuerte, de reduire ses subiects par force à l'Eglise Romaine peuuent ils esperer, ou plus de forces, ou plus de succez que vne Majesté. Ils ont commandé à voz armées appuyez de vostre auctorité, guidez de vostre bon heur & fauorisez de vostre presence, & vostre presence ie la conte biē pour la meilleure partie d'une puissante armée. Ceste volonté n'y estant point, comme certes elle n'y peut estre, qui ne veoit l'autorité bien racourcie, qui ne veoit les volontez qui en despendent bien froides & amorties. Mais sur

tout vostre personne, ne pouuant plus estre seure entre les armes, qui ne veoit à l'œil que le corps d'armes, quelque grand & fort qu'il soit, s'en yra en peu de temps en pieces, n'estant retenu par le respect de vostre Majesté, n'estant aussi contenu par sa presence.

Certes, naturellement l'enfant endure du Pere, & quelque droit qu'il pense auoir, se contente de parer aux coups, de mettre la main deuât, ou de soustraire à sa collere, si c'est vn valet ou estranger qui l'entreprenne, l'Enfant sort des gonds, il trouue du cœur & de la force, autant que la reuerence luy en rabatoit, l'indignation luy en redouble. Et c'est, SIRE, ce que naturellement on doit attendre, d'un Prince, premier de vostre sang, que seruiteurs estrangers, nous veulent faire forclorre de vostre famille, d'un milliõ de voz naturels subiects, esleuez dessouz vostre aisse, & souz la douceur de voz commandemens, qu'ils vous veulent faire exterminer, pour aller chercher pays ailleurs, de response en somme, tel que nous pourra appren-

dre vne telle indignité & indignation.
Et les extremes souz consequemment,
qu'un tel desespoir sçait bien produire.

Aux Architectes iadis qui pour engager vn homme, à entreprendre vn bastiment, leur faisoient à croire qu'il seroit de peu de coust, les loix imposoient grandes amandes, que s'estoit toutesfoiſ pour bastir. Et la plus grande commodité demeueroit au maistre du logis, & l'ornement à la republique. Quelle peine sera suffisante Sire, pour ceux cy, qui pour vous donner enuye de ruyner vostre Royaume, N'ont honte de vous faire l'entreprinſe fort facile: Entreprinſe Sire, d'ot le dommage est à vous, la misere nostre, & tout lesmolument tombe en leur part.

Parlons doncques icy de ruyner, non de ruyner, les maux dont est question sont anciens des maux anciens, les anciens ont bien recogneu les remedes. Ceux-là sont plus seurs, ains qu'ayons recours aux corrosifs des Empiriques, qui pour tout, ont remply la france de sang & de meurtres, de dueil, de fune-

raillies, de pleurs, & le mal contre lequel ils errent, la diuision dont ils se plaignent, est empire estat que auparauant.

Les diuisions en la religion ont traouillé l'Eglise ancienne, plusieurs heresies ont eu vogue entre le peuple, ont mesmes infecté des Empereurs qui la gardoient. L'histoire en est plaine, ils ont veu que l'heresie estoit vne opinion, que toute opinion auoit son siege en la teste, que c'estoit vne image fauce de raison, qui ne pouuoit s'effacer que par la presence de la raison, mais ils ont doncques assemblé des Conciles, ils ont appellé nombre de gens suffisans de toutes parts, chacun à mis en auant paisiblement ce qu'il a sceu, l'opinion en fin à cedé à la science, l'ombre à la lumiere, la vraye semblance à la verité, la sophisterye à la raison.

La religion Chrestienne, Sire, ne la pensons si obscure que la verité ne s'en puisse esclarcir, en vn Concile, elle a ses maximes trescertaines, ses principes stables, ses consequences inuiolables, la mesme raison qui desmesle les difficul-

tez és loix les peut demesler en la Theologie. Et d'autant mieux, Sire, que cest la Loy d'un seul Dieu qui ne reçoit point de contrariété, & ne peut souffrir d'antemoneye, au lieu que les loix patifsent souuent, ou de l'inegalité des législateurs entr'eux, ou d'un seul à soy-mesmes. Et cest faire tort en somme à ceste Loy, qui s'appelle vraye lumiere, de croire qu'elle ne puisse esclaire ny esclaireir les hommes, & qui pis est, de faire croire que sans feu elle ne puisse luyre, qu'il faille brusler ceux qu'on pretend en tenebres, plustost que de les tirer au iour, plustost que de retirer de dessous le tombeau ceste lumiere.

On vous dira, Sire, qu'il n'est aucun besoing de Conciles, que pour tout il faut suiure l'Eglise, & qu'elle ne peut iamaiz errer, les liures sont assez fourniz de repliques la dessus, le vieil testament que le nouueau sont plains aussi des erreurs enormes du peuple de Dieu. S'estoit l'Eglise, le Concile de Hierusalem condamna le Christ & ses Apostles, s'estoit donc l'Eglise, qui condamnoit son

salut. Et saint Paul dit que l'antechrist
mesmes se voirra assis au tēple du vray
Dieu. Qu'est-ce donc sinon la perdi-
tion adoree en l'Eglise. Ce sont des sub-
tilitez pour fuir vn Concile, l'homme
est tenebreux, & l'Eglise vne assemblee
des hommes, & l'Eglise dōc q vn corps,
opaque tenebreux qui n'est lumineux
que de par Dieu qui ne l'est qu'en tant
qu'il reçoit lumiere en sa parolle, tirez
la delà elle peut brōcher à toutes heur-
res, & pourtant voyons nous les anciens
souspirer apres la conformation de sie-
cle en siecle. Et pourtant aussi ordonna
le Concile de Basle, que de dix ans en
dix ans s'assembleroit vn Concile, pour
empescher les erreurs qui pouuoient
introduire en l'Eglise.

On replique qu'on en a desia tenu vn
contre la doctrine, dont est question.
Certes quand ainsi seroit, ce seroit trop
tost se laisser de bien faire, les anciens pe-
res, ne se laissoient pas si tost contre
ceux de leur temps contre les Arriens
mesmes ouyz en toutes disputes, en
toute liberté, cōdamnez en trois Con-

ciles, ils n'estoient pas refusans d'un quatriesme. Mais s'il se faut ennuyer de reïterer mesmes remedes. Combien plustost, Sire, de retourner à la guerre pratiquee en vain, par tant de fois à la guerre, de laquelle les meilleurs succez sont plus dangereux & plus nuisibles que les mauuais, mesmes des Conciles. Et combien seroit il plus loüable, de rassembler vn Concile, que de hazarder vne bataille de perdre vne conference de propos, que d'espandre tant de sang en vain. La verité est que sur les differends qui se presentent. Ont esté tenuz cy deuant deux Conciles, l'un fut à Constance par les diligences de l'Empereur Sigismond. Ou contre la foy publicque ceux qui disputoient de l'autrepart, Iehan Huz & de Prague furent bruslez vifz, & s'ensuiuit vn decret de ne tenir foy aux heretiques, decret monstrueux cause de tous les discords & excèdz depuis aduenuz en la Chrestienté, L'autre fut à Trente au milieu des troubles de france, Auquel par le Iuge de ce decret, il n'estoit pas seur de

comparoistre, ou voz Ambassadeurs Sire, ne furent ouiz en leurs propositions Chrestiennes, pour le repos de l'Eglise ou ils protesterent nullité contre les actes du Concile, qui depuis à esté refusé par toutes voz Cours de Parlements, par vostre Sorbonne mesmes, quelque instance que le Pape aye peu faire. Iugez Sire, s'ils ont iuste occasion, d'alleguer le preiugé de ces Conciles. Iugez Sire, si ces deux Conciles nous doiuent oster l'esperoir du fait, que feroit soubz vne auctorité vn libre & legitime Concile.

La difficulté est en vn poinct, que le Pape depuis quelques siecles, à tiré à soy l'auctorité d'assembler les Conciles, qui souloit appartenir aux Empeurs, comme il est tout notoire par les Histoires, qu'ils ont conuoqué les plus celebres. Et parce qu'il craint la reformation des abuz des Cours de Rome. Mais sur tout la question tant debatue, si le Pape est au dessus ou au dessous du Concile dont y à decretz contraires, il est apparant qu'il fuira tant qu'il pourra

la conuocation faicte, principalement à la poursuite & instance de l'Eglise Gallicane, qui a tousiours soustenu qu'il estoit au dessous du Concile. Et de faict pour assembler le Concile de Constance, il fallut que l'Empereur Sigismond, print la peine, d'aller d'estat en estat solliciter tous les Princes, ne voulans les Papes contendans, bloquer en vn Concile. Et là fut conclud que le Pape seroit subiect au Concile. Et depuis pour conuoyer celuy de Trente, On scait quelles protestations il falut faire, quelles practique fait le Pape entre les Princes Chrestiens pour s'en defaire, quelle peine eut pour les tenir ensemble depuis qu'il fut conuoqué desquels monopoles les Papes vsoient pour rendre inutile à l'Eglise, vtile à eux, sous qui contre le precedent y feirent conclurre, que le Pape estoit au dessus du Concile.

En ce cas vne Majesté aura barre sur le Pape, & luy aura clos la bouche sans que plus il ose vous solliciter à ruyner vostre estat, luy qui aura refusé le legitime moyen de reunir & reintegrer l'E-

glise, mais encores Sire, en telle necessité de vostre estat & en tel defaut du Pape. Les Roys vos predecesseurs, par le Conseil de vostre Clergé, mesmes de vostre Sorbonne, vous ont tracé de long temps vn beau chemin. C'est de conuocquer de vostre auctorité, au deffaut dugeneral, vn Concile national en ce royaume, Chose practiquee au grand bien de l'Eglise & de l'estat, par les Roys tres-Chrestiens, & par les plus saints d'entre les plus tres-Chrestiens, & les Conciles nationaux bien ordonnez, procedant du zele à autruy quels ils sont en eux mesmes comptenteurs de Dieu. sans religion, sans conscience.

Sire, vostre Majesté excusera ma hardiesse, es grands inconueniens, les grâds hommes n'ont point mesprisé les moindres voix la voix d'un seul chien à sauué du sac mainte maisō, la voix d'un Oiseau à peu garentir vn Capitole, le deuoir que le danger iustificeront ma presumption, mon debuoir: Car au danger ce me seroit crime de me taire, le danger aussi: car il est si euident que cest mani-

feſte dol , de faire ſemblant de ne le
 veoir. Je ſupplie le Createur qu'il aſſiſte.

SIRE,

Votre Maieſté par ſon eſprit le vous
 donne pour conſeil, & pour conduite,
 & vous donne apres tant de travaux,
 veoir ſon Royaume florir dedans le
 voſtre proſperer, deſſouz le ſien à ſa gloi-
 re, SIRE, à voſtre louange, & au re-
 pos de voſtre peuple. Ainſi ſoit-il.

Donc si l'on veut que l'on
puisse en faire un bon usage.

CHAP.

De la manière de se servir
des livres de la bibliothèque
publique de la ville de Paris.
On ne peut que louer
la bonté de la disposition
de ces livres, & la facilité
de les trouver. Mais il y a
encore beaucoup de choses
à faire pour les rendre
plus utiles.

Il faut d'abord qu'ils soient
bien classés, & qu'ils soient
facilement accessibles.



